

三才圖會

卷之三

三才圖會
卷之三

三才圖會

811.17
4084

崑崙玉山房
詩集

民國二十九年

崑崙玉山房



崑崙

崑崙玉山房詩選

共 / 册 存 / 册 排架号 08378

序

壬戌秋間同年鄭少甘以甯德縣志稿屬為釐定因得窺讀福
甯先哲遺著然猶未盡其百一也既而及門郭君梓雨出示所
輯福甯先哲遺書存目歎其於風雅杳眇之會尚能留心及此
即就甯德一隅而言所收多至陪蓰難已未幾梓雨以歲暮求
裝邁返一日更出示其鄉李文仲鈞所著崑玉山房詩稿求為
甲乙予披讀之下其詩夷粹冲和不排不怨忖其人必敦內行
者及詢之梓雨果然乃亟為選錄若干首以歸之梓雨其續有
以進予者以是篇為隍引

壬申冬月鼎燮林步瀛識於福州城南學舍



李仲鈞先生傳略

黃廷球

韓陽設治越八百年都人士以功業文章彪炳於世者代不乏人求其伏處草野膺孝廉方正之選當之而無愧者則李仲鈞先生其人也先生諱曾勒字仲鈞為鄉先達李薊園別駕嫡孫印鄰司馬次子司馬宦游浙東先生隨之官九歲司馬歿稍長扶櫬南旋弱冠應童子試輒冠曹偶為名諸生食餼邑庠後肆力於諸子百家不屑屑治舉子業屢試不售避清光緒季年罷科舉設學校先生應湖山學校聘出主講席未幾以資最高長湖山校其教以躬行實踐為宗黜華崇實循循善誘後生有未技片長輒稱道勿置生徒受其獎拔而成材者頗不乏人性尤孝嘗為太夫人盧氏滌溺器太夫人畏雷每聚徒講學值黑雲如墨風雨交作即投編馳歸立太夫人牀前謹守勿去須臾雲

收兩齋又質之然未問之則曰老母畏雷歸以侍之也自春徂秋
率以為常城某肆工製燒餅每歸必購數枚曰吾母者此持以
奉之也其先意承志多類此生平自奉甚薄而待人則務竭其
誠布袍敝屣處之泰然故舊中有乞貸者至轉假以予之不稍
露德色邑侯姚仲勛司馬嘗聘先生主西席有鄉人訟不得直
饋以雞子數十枚乞為道達先生嚴辭却之性高潔非期會不
入公門邑宰慕其為人恒造廬而訪焉先生既長於浙得從浙
中諸名士遊復承家學博覽群書自心身經世之學以及星命
醫卜之術靡不窺其奧而溯其流故其為文深沉古奧乞文者
踵接於門先生一一應之如其所欲言數百里中莫不有先生
之手筆尤長於詩著有崑玉山房詩集凡胸中不平之氣一一
吐之於詩故其詩如泣如訴如長風出谷與李叔樵教習分掌

詩社評議改正士論翕然先生既精勤嗜學到老不倦益以校
務倥傯精力俱瘁積勞成疾於民國九年十一月十二日遂返
道山春秋五十有九彌留之際同人入視猶喃喃言校務餘無
他及子四懋修道融儒脩德脩均克紹家學道融積學悟道士
林推重尤綽有父風餘皆先後早世

崑玉山房詩選

秋夜遣懷

秋夜空庭月色涼
酒酣起坐獨徬徨
雄心素託雌雄劍
坐客頻分上下牀
開口仍防三尺喙
曠懷那有九迴腸
狂歌更倚闌干
痛老眼閒看菊色黃

遣懷

蹉跎歲月悔當初
老病何能飽看書
欲效養生同許穆
却愁痼病似相如
深宵止渴泉烹鼎
鎮日安眠雪壓廬
衰朽竟思強健
日不妨爾雅注蟲魚

遣懷

老來厭聽說家貧
祇與孫曹鎮日親
五秩年華心似水
一家喜

福安李曾勳詩者



氣釀如春歡情對月歌當夜鼻息如雷睡震鄰何事更存名利
想半生爛漫止天真

寄柏士

秋雨瀟瀟滿山落葉年老矣聽此秋聲倍增感慨四憶
曩日故交又彫零過半老身其何以怡情頃忽得尊札
並佳章老眼蒙籠展讀之餘於心有默契也為之狂喜
累日恨河山間隔不得與君共話西窗浮一大白藉以
消壘塊於我心謹奉俚言二首請大令壇劑正並乞賜
和

坐看時事止吞聲老氣如山湧不平入世要防錐刺古浮生祇
可酒怡情羊皮我不資求相雁味人誰美問卿高隱又聞多著
作玉符縫掖播芳名

聖道休愁掃地空六經光耀日星同舊書簡自王宮出妙篆文
摹太學中龍馬圖奇君抉奧燕魚注愧我難工筆耕舌藉徒鋤
口况是衰頽一病翁

晚往巖湖

曉來天色尚迷濛坐走肩輿趁野風千頃露田香稻熟半溪寒
漲蓼花紅山村高處迎朝旭雲氣斜飛裊碧空欲向巖湖登絕
頂一聲長嘯徹西東

山村晚景

鄉村風土美傍晚步荒塘古樹迷輕霧歸鴉帶夕陽柴門多稚
子野徑返牛羊獨立東西望西山新月光

課餘

課餘人似不勝衣盼到西山漸落暉自愧經無儲腹笥却愁身

又減腰圍蒼皮老去漸無用白雪歌時和恐稀何若閉門長掃
執醉中間把濁膠揮

贈梅

故園梅樹破珠胎風日晴和自在開折贈莫嫌無冶艷月明高
士夜曾來

祝隆山先生六十壽辰

海屋籌通鶴算絲紫芝眉宇久稱賢天街日暖銀袍豔粉署春
深錦帳懸高構有才疑義判儒衡孤直諫書傳郎官列宿由來
應况值車輪耀北躔
璞玉渾金仰老成才華尤擅富生平詞翻巨浪奔三峽書擁名
山似百城通隱縱殊何點志韜光終是勿安情而今龍馬精神
健蘭桂階前又向榮

為梓雨題鳳坡唱和初集

楓葉瀟瀟滿戾城珠璣萬斛誦深更清新功欲探三昧體格高
思闡四明我幸麻姑搔癢便君同東野不平鳴他年得句千篇
續甲乙還期次第成

和峻山元韻

君才閩海風馳名奕止韓陽衛象生他日著書同管子不愁窮
困作虞卿

元旦

千家爆竹慶新年戶換桃符色更妍一牒膠牙元日候三杯藍
尾豔陽天說經遙想臣相聚如願何須婢到前惟有北堂春正
暖萱花香裏樂怡然

秋日登仰止樓

仰止樓前寄興秋風光許向筆端收
樵夫趁曉羣爭渡漁父驚寒懶
放舟雙塔玲瓏含日影千山突兀
巖寒流隔窗丹桂花初發更喜芬
香滿酒甌

遊石澗堂

龍首峰頭石澗堂登臨辛苦繞羊腸
紅塵掃滌禪關靜碧草清幽小洞
香雲壑鐘聲飛隔浦海天帆影帶
斜陽閣黎坐誦金經罷為煮山泉
勸客嘗

梅花

生來傲骨超凡俗風雪彌天萼破
胎應悔芳名留世上時流憑爾炫
詩才知心佳有林和靖聞說千株
手自栽深夜月明差鶴守不教俗
客跨驢來

為梓雨題鳳坡唱和續集

結社良朋互唱酬舉杯歡醉百無憂
心腸錦繡詩篇麗甌亞風光筆底收
得句將誇操勝候苦吟僧是入禪秋
老身自愧推敲拙劇喜頭風自此瘳
清超俊逸邁羣倫斑管生花燦若春
却喜吾儕真守舊不隨流俗競爭新
蘇黃文字雄吞嶽李杜光芒耀出塵
莫嘆廣陵詞儻絕望君努力步前人

遣懷

蝸廬株守誠非計事到難圖意轉平
韓子空存孤憤志屈原誰諒楚整情
滄桑有感唯流涕草木無知尚向榮
今日祇唯良友在金蘭無改舊佳盟

秋日齋中雜咏

朔風颯颯雨淒淒秋色無邊到自西天外雁鴻千里逝井邊絡
緯五更啼寒花寂寞英鋪地殘柳蕭條影映隄老去感時倍惆
悵新詩聊向壁間題

秋日早起獨坐

窗畔鄰雞喔喔鳴秋天漏盡已微明寒雲作勢依村樹冷露無
聲濕草莖梁上忽驚春燕去渚邊閒訂水鷗盟不堪池柳經霜
後殘影蕭疏映晚晴

登仙岫峯

屐齒高登仙岫峯眾山曾過幾千重竹林傍午唯逢鹿松樹經
霜欲化龍一路花光紅日映數間茅舍白雲封塵心到此都消
淨擬覓壺公桂父踪

仙子昇天洞尚存洞中空剩碧苔痕遙看塔勢凌雲聳俯聽溪

流繞郭奔悅性深林唯小鳥悲風絕壑有吟猿登臨欲效孫登
嘯鸞鳳聲疑透帝閣

道懷

我是衰頽一病翁觀書頻拭眼蒙籠蕭條白髮嗟垂老烹鍊丹
沙枉費功牛馬任人呼世上蛟龍終古困池中何如且效劉伶
飲醉倒扶持喚小童

中秋後天氣炎熱一日忽大雨滂沱涼生寢榻就睡時作
此

爭說中秋氣候涼那知炎熱在秋陽黑雲如墨方翻岫白雨跳
珠忽滿塘身甫解衣還欲著手頻揮扇又思藏今宵寢榻較寒
甚好酒醇醪入性鄉

燈花

一燈如豆座生光爭道花開報吉祥畢竟自焚膏欲盡終宵何
事替人忙

重九遇雨

有約題糕興未闌一天秋雨望漫漫雁聲海畔因風斷菊影籬
東帶霧看獨坐忽驚紗帽落遺懷仍藉酒杯寬閉門猶作登高
想偏倚空階十二欄

晚自湖山歸

攜筇晚自湖山下四望蒼茫日已沉雉堞雲迷榕蔭密池塘光
漾月痕侵林深山鳥呼羣宿風定寒蟬抱葉吟歸到柴關猶未
掩呼童沽酒一壺斟

破屋

破屋臨溪落日斜晚來榕樹影杖材壁經雨溜牽蘿補門為風

寒織席遮棟宇那同翬振翼牆垣幸不鼠穿才豈勞官府來修
葺卧見青天睡亦嘉

齋中雜詠

紙帳簾牀寄病容睡回隔寺雨鳴鐘爭枝野雀棲難定鑽紙窗
蜂計亦墮入世有誰求駿育暮年如我已龍鐘一齋幸得閒無
事愛看黃花倚竹筇

夜半聞雞起而復寢

寶剎蒲牢猶未動金鑪沈麝有餘香匡牀布被春方暖蝴蝶高
飛在睡鄉

為傅為題東坡遊赤壁圖

清秋階客夜來遊酒滿瓊壘月滿舟誰似髯蘇詞賦妙風光都
向筆端收

周郎功業千秋頌學士才名亘古留漫說大江東去浪淘殘人
物不勝愁

先嚴雅愛詩律偶有所得輒隨意揮毫不計工拙成即棄之
逝世後書篋中儲古律百餘首有待于繕正不意壬戌秋巨
浸為灾存稿淪於泥濘融懼先人手澤長湮爰與子姪輩收
拾殘闕擇其畧可辨認者鈔錄成冊然不敢輕易示人蓋以
先嚴在時既未經訂正歿後又被大雨恐騰罵多錯誤也本
春郭梓兩同學欲以稿壽之梨棗融不欲重違其意謹出所
錄之稿以應尚望當代名家加以指正使劫餘殘稿換作錦
繡珠璣得留傳天壤間則感且不朽

特民國壬申年孟夏男道融謹識

男振高 守真 全校字
道融 夢庚

秋杪福鼎杜友悅明以盧先生則行
郵請校訂仲師崑玉山房遺稿見寄
讀之去取悉當蓋即就鼎燹師選本
重加訂正也乃亟為釀貲付印惜距
俊望世兄逝世倏又年餘矣言之惘
然庚辰長季冬梓兩郭曾嘉謹識時承
乏福安縣縣立圖書館務



茲將樂捐本集刷費姓名列左

李應麟敬捐伍元

陳益佺敬捐叁元

阮壽應敬捐伍元

陳桂亨敬捐叁元

鄭神德敬捐伍元

林兆聞敬捐叁元

陸子衡敬捐伍元

王兆熊敬捐叁元

陳兆芳敬捐伍元

周尉經敬捐叁元

王承杰敬捐叁元

林光烈敬捐叁元

王錦章敬捐叁元

吳文郁敬捐貳元

